

四庫全書

史部

欽定四庫全書

欽定熱河志卷一百一

故事三

遼

奚

遼史太祖紀唐天復元年歲辛酉哈陶津汗

舊作痕德

董可汗  
今改正

立以太祖為本部額爾奇木

舊作夷尙  
董今改正

專

征討破奚帥錫爾格

舊作轄刺  
哥今改正

俘獲甚衆

按哈陶津汗即契丹傳所云欽德也立於光改  
此中云天復元年立誤

遼史耶律赫魯

舊作曷魯  
今改正

傳太祖為德呼勒

舊作  
迷刺

今改

部額爾奇木討奚部其長珠爾

舊作木里  
今改正

逼

險而壘攻莫能下令赫魯持一箭往諭之既入為  
所執迺說奚曰契丹與奚言語相通實一國也我  
額爾奇木於奚豈有凌轢之心哉漢人殺我祖奚  
首額爾奇木怨刺骨日夜思報漢人顧力單弱使

我求援於奚傳矢以示信耳額爾奇木受命於天  
撫下以德故能有此衆也今奚殺我違天背德不  
祥莫大焉且兵連禍結當自此始豈爾國之利乎  
珠爾感其言乃降太祖紀先是德祖俘奚七十戶  
徙饒樂之清河至是

唐天復二年

創為奚德呼勒部分

十三縣二月

唐天祐三年

擊劉仁恭還襲山北奚破之

十一月遣偏師討奚霄諸部五年正月上親征西  
部奚奚阻險叛服不常數招諭弗聽是役所向輒

遂分兵討東部奚亦平之於是盡有奚霫之地東

際海南暨白檀西踰松漠北祇黃水凡五部咸入

版籍三月次灤河刻石紀功部族表天贊二年討

奚呼遜

舊作胡損  
今改正

獲之置奚多科

舊作墮塊  
今改正

部會

同六年奚超穆特

舊作鋤勃  
德今改正

部進白麝

遼史聖宗紀統和二十年十二月奚王府五帳六

節度獻七金山土河川地賜金幣

按地理志事在二十四年與紀互異

遼史屬國表準布

舊作阻卜  
今改正

酋長默古斯

舊作磨  
古斯今

改正殺金吾托郭斯

舊作禿古  
斯今改正

以叛遣奚六部圖里

舊作禿里  
今改正

耶律郭薩

舊作郭三  
今改正

發諸蕃部兵討之

### 中京道

按今承德府全境於遼屬中京道故摘叙中京

道事之隸於本境者著之惟赤峰朝陽二縣北

境兼涉上京道邊境無毗切本境之事故不錄

遼史太宗紀天顯三年十一月自將伐唐十二月

次杏塢唐使至遼班師九年正月漁於土河十一年正月釣魚於土河遊幸表會同九年三月釣魚於土河

遼史穆宗紀應歷四年冬駐杏塢

遼史景宗紀保寧七年十月釣於土河

遼史聖宗紀統和二年九月駐蹕土河三年七月

駐蹕土河以暴漲令造船橋四年正月觀漁土河

十五年十二月釣魚土河二十五年正月建中京

十月駐蹕中京二十六年五月高麗遣使賀中京  
成十月如中京二十七年正月釣於土河四月駐  
蹕中京營建宮室十二月如中京二十八年五月  
如中京清暑七金山八月幸中京遊幸表統和三  
十年十月幸中京

按遼史帝紀統和二十九年止其明年改元開  
泰此云統和三十年蓋紀開泰元年事編年有  
誤



聖宗紀開泰九年十月如中京遊幸表太平元年  
八月獵於孟山聖宗紀太平元年九月幸中京八  
年九月幸中京九年正月至自中京

遼史興宗紀重熙元年十月幸中京十年十月幸  
中京遊幸表重熙十年十月獵於烽臺山親射虎  
立斃興宗紀重熙十六年十月幸中京謁祖廟十  
一月幸中京朝皇太后十三年十月駐蹕中京幸  
新建秘書監有事於祖廟

遼史道宗紀清寧二年九月幸中京登聖宗興宗  
於會安殿遊幸表清寧十年九月幸七金山三學  
寺道宗紀清寧十年十月駐蹕中京咸雍八年二  
月歲饑免武安州租稅賑恩蔚順惠等州民六月  
賑中京賑中興府太康三年二月中京饑罷巡幸  
大安二年九月發粟賑中京貧民三年三月發粟  
賑中京饑四月賜中貧民帛六年二月駐蹕雙山  
八年三月曲赦中京役徒壽隆三年正月駐蹕雙山

按遼史地理志無中興府紀所云賑中興蓋興

中府之悞

遼史天祚紀乾統三年十月如中京天慶六年二

月耶律章嘉努

舊作張家奴今改正

誘饒州渤海及中京賊

侯檠等萬餘人攻陷高州三月東面行軍副統綽

哈

舊作酬幹今改正

等擒侯檠於川州耶律孟簡傳中京

饑詔與學士劉嗣昌減價糴穀蕭綽哈

舊作蕭酬幹今改正

傳時廣州渤海作亂乃與駙馬都尉蕭罕家努

舊作

韓家奴今改正掩其不備平之復敗敵將侯槩於川州天

祚紀天慶七年九月上自燕至陰涼河獵輞子山

十月至中京屬國表天慶八年正月遣耶律努克

舊作奴哥今改正等使金國議和好金主復書大畧言如

以兄事朕歲貢方物歸上中京興中府三路州縣

則可以如約七月金朝復遣呼圖克舊作胡突  
衮今改正琨

以書來免所取上京興中府所屬州郡天祚紀天

慶九年二月賊薩巴舊作撒八  
今改正誘中京射糧軍僭

號南面耶律伊都

舊作余觀  
今改正

擒薩巴保大二年正

月金克中京二月金師敗奚王錫默

舊作霞末  
今改正

於

北安州遂降其城三年正月宜錦乾顯成川豪懿

等州相繼皆降二月興中府降金來州歸德軍節

度使田顥權隰州刺史杜師回皆籍所管戶降金

興中宜州復城守四年十月金攻興中府降之

金

北京路

金史太祖紀天輔元年十二月烏爾古

舊作幹魯古今改正

等敗耶律聶呼

舊作捏里今改正

兵於蒺藜山拔顯州乾

懿豪徽成川惠等州皆降二年十二月川州寇二

萬已降復叛赫舍里卓哩

舊作純石烈照里今改正

擊破之五

年十一月以和掄貝勒

舊作忽魯勃極烈今改正

杲為內外諸

軍都統以昱

即蒲嘉勢

宗翰宗幹宗望宗盤等副之六

年正月都統杲克高恩回紇三城取中京遂下澤

州二月宗翰等敗遼奚王錫默於北安州奚部西

節度使額哩呼

舊作訛里  
刺今改正

以本部降宗翰駐北安

遣希尹等畧地獲遼護衛耶律錫納埒

舊作習泥  
烈今改正

知遼主獵鴛鴦灤遂遣報都統杲進兵襲之三月

都統杲出青嶺宗翰出瓢嶺追遼主於鴛鴦灤遼

主奔西京八月中京將完顏琿春

舊作渾默  
今改正

敗契

丹奚漢六萬於高州貝勒瑪奇

舊作李董麻  
吉今改正

死之

德里德們

舊作得里  
得今改正

部降九月實默

舊作闍母  
今改正

平

中京部族之先叛者及招撫沿海那縣七年正月

遼奚王和勒博

舊作回鹘  
保今改正

僭號稱帝詔招諭和勒

博實默傳都統果兵至中京實默自城西沿土河

以進城中兵尚未餘三千皆不能守遂克之羅索

舊作婁室

今改正

傳從果取中京與希尹等襲走達魯

舊作

迪六今

和尚伊呼森

舊作雅里  
斯今改正

等敗奚王錫默降

改正

奚部西節度額哩埒

舊作訛里  
刺今改正

尼楚赫

舊作銀木  
可今改

傳從都統果克中京尼楚赫與實古納

舊作習古  
迺今改正

富察呼巴哩

舊作蒲察胡  
巴魯今改正

率兵三千擊奚王錫默



於京西七十里錫默棄兵遁瑪奇

舊作麻吉  
今改正

傳都

統果取中京屯兵高州以兵援蒙古貝勒

舊作蒙  
剏字董

今改正

大破敵兵復敗恩州兵五萬人討平遼人聚

中京山谷者降三千餘人戰於高州境上伏矢射

之中目遂卒高彪傳都統果攻中京彪領穆琨

舊作

謀克今  
改正

從幹魯破遼將赫呼蘇

舊作合魯  
燥今改正

及韓慶

民於高惠之境已而駐軍武安赫呼蘇以勁兵二

萬來襲從幹魯出戰與所部皆去馬先登奮擊敗

之負險拒命所在屯結彪屢戰有功巴爾斯舊作拔離

速今改正傳宗翰在北安州將會舍音舊作斜也今改正於奚

王嶺遼兵奄至古北口使博勒和舊作婆盧火今改正瑄春

各領兵二百擊之瑄春請濟師宗翰欲自往希尹

羅索曰此易與耳請以千人為公破之瑄春以騎

士三十人前行至古北口遇其遊兵遂入山谷遼

人以步騎萬餘迫戰亡騎五人瑄春退據闕口希

尹羅索至巴爾斯鄂摩罕舊作訖謀罕今改正呼實罕舊作胡實

海今改正摧鋒奮擊大破之斬馘甚衆盡獲甲冑輜重

實古納

舊作習古  
通今改正

傳蕭妃自古北口出奔太祖使

實古納追之不及王伯龍傳天輔四年從攻下中  
京并克境內諸山寨

按金克中京在天輔六年獨王伯龍傳作四年  
乃傳寫之誤

金史太祖紀天輔七年正月宜錦乾顯成川豪懿  
等州皆降二月命薩巴詔諭興中府降之實默舊作

闡母今改正傳興中府宜州復叛實默討之并下詔招

諭

按乾顯成川懿豪等州本紀稱於天輔元年降  
金二年川州寇復叛今復稱乾顯成懿諸州皆  
降者蓋既降而復城守至是再降也

太祖紀契丹赴堅

舊作九斤今改正

聚黨興中府作亂擒

之赴堅自殺薩茂

舊作斜卯今改正

阿里傳與蘇都哩

舊作

散賭魯今改正

屯高州契丹扎古雅

舊作昭古牙今改正

赴堅合興

中兵數萬攻和爾台

舊作胡里特今改正

寨阿里與八穆琨

救之和爾台先往敗於城下阿里指揮前緋衣者

二十餘人曰此必賊首也麾兵奮擊皆殺之餘衆

大潰來州隰兵圍和爾台城聞阿里來救即解圍

去實默傳貝勒

舊作李莖今改正

蒙古

舊作蒙剗今改正

錫伯

舊作

斜鉢今改正

烏林

舊作吾撻今改正

等獲契丹赴堅興中平

按契丹赴堅據興中尋見獲而興中猶不降實

默傳興中平者蓋舉其後事書之

大金國志天會元年蕭鄂幹據奚王府自立為神聖國號大寶改元天嗣尋為其下所殺

金史太宗紀天會二年八月六部都統達蘭

舊作撻懶

今改正

擊走扎古雅殺其隊將赫呼蘇

舊作曷魯燥即前合魯燥

今改正

傳碩噶

舊作白撒葛今改正

等又破降駱駝山金源興

中諸軍完顏昌傳遼外戚約尼

舊作遙輦今改正

扎古雅

部族在建州舍音

舊作斜野即前斜也今改正

擊走之獲其妻

挈及官豪之族達蘭復擊之擒其隊將赫呼蘇博

碩噶殺之降民戶千餘追降金源縣詔增賜金牌

十又降約尼二部再破興中兵降建州官屬得山

砦二十村堡五百八十阿古

舊作阿忽  
今改正

復敗扎古

雅降其官兵尤多扎古雅勢蹙亦降興中建州皆

平詔第將士功賞撫安新民達蘭請以約尼九營

為九明安

舊作猛安  
今改正

上以奪鄰有功使領四明安

扎古雅仍為親管明安五明安之部帥使達蘭擇

人授之達蘭與劉彥宗舉蕭公翊為興中尹郡府

各以契丹漢官攝治上從之兵志天會五年伐宋  
之役調中京民兵隸諸萬戶太宗紀天會十年七  
月上如中京十月上如興中府十二月上至自興  
府

金史兵志天德二年省併中京等路節鎮及明安  
穆琨海陵紀天德四年四月有司請今歲河南北  
選人並赴中京銓注從之九月次中京白彥敬傳  
正隆六年契丹薩巴反以彥敬為北面行管都統



與副統赫舍哩志寧以便宜往賜御服皮襖行至

北京聞南征諸軍逃歸者皆奔東京欲推戴世宗

彥敬與志寧謀陰結會寧尹完顏富色呼

舊作蒲連賚今

改正利涉軍節度使通古義

舊作獨吉今改正

以圖之世宗

已即位使舒穆魯伊德

舊作石林迭今改正

伊喇赫伯

舊作

移刺曷蒲今改正

等九人招彥敬志寧彥敬拒之使伊德

跪伊德不屈皆殺之及完顏默音

舊作謀衍今改正

將兵

攻北京彥敬使偏將率兵拒於建州之境而通古

義先歸世宗富色呼稱疾不至世宗密遣人乘夜

揭榜於北京市購以官賞彥敬志寧恐為人圖已

遂降赫合里

舊作統石  
烈今改正

志寧傳契丹薩巴反樞密

使布色瑚圖

舊作撲散忽  
王今改正

北京留守蕭賸西京留

守蕭懷忠皆以征討無功坐誅於是志寧為西北

面副統與都統白彥敬以北京臨潢泰州三路軍

討之

餘與白彥  
敬傳畧同

金史世宗紀大定二年正月遣右副元帥完顏默

音率師討蕭鄂幹

舊作窩幹  
今改正

四月默音等敗鄂幹

於長灤復敗於霧霖河五月以臨海軍節度使赫

舍里志寧為元帥監軍副元帥完顏默音元帥右

監軍完顏福壽坐逗遛召還京師皆罷之六月以

尚書右丞色忠義為平章政事兼右副元帥經畧

契丹戰於花道大敗鄂幹於梟嶺西陷泉獲其弟

梟以西南路招討使完顏思敬為元帥右都監七

月詔發濟州會寧府軍在京師者以五千人赴北

京八月詔元帥右都監完顏思敬以所部軍與大  
軍會討鄂幹九月詔赫舍里良弼以便宜招撫奚  
契丹之叛者庚子完顏思敬獲契丹鄂幹餘衆悉  
平十二月遣尚書刑部侍郎劉仲淵等廉察東京  
北京等路赫舍里志寧傳志寧以臨海節度使都  
統右翼軍鄂幹敗於長灤西走志寧追及於霅霫  
河賊已先渡依岸為陣毀橋岸以為阻志寧與賊  
夾河為疑兵與萬戶瓜爾佳

舊作夾谷  
今改正清臣圖克

坦哈里

舊作徒單海  
羅今改正

於下流涉渡已渡前有支港

岸斗絕其中泥濘乃束柳填籍士卒畢濟行數里  
得平地將士方食賊奄至據南岡三馳下志寧陣  
陣堅力戰流矢中左臂戰自若賊據上風縱火乘  
烟勢馳擊志寧步軍繼志轉戰十餘合火益熾風  
烟突人不可當會雨作風烟乃熄遂奮擊大破之  
於是元帥默音右監軍福壽不急擊賊久無功右  
丞布色忠義請自討賊而志寧擊賊有功上以忠

義代默音志寧代福壽封定國公使富蔡通

舊作蒲察

通今改正

至軍中宣諭之伊喇鄂幹

舊作移剌窩幹今改正

傳大

定二年右副元帥完顏默音率諸軍討鄂幹屯懿

州慶雲縣川州武平縣奏請糧運當遣人護送兵

伏乞選精良者付之四月鄂幹攻懿州不克遂殘

破川州將遁於山西而北京亦不邀擊之於是

右宣徽使亨為北京路都統吏部郎中完顏達吉

為副統會元帥府討擊之六月布色忠義平章政

事兼右副元帥以西南路招討使完顏思敬為都

統西北路招討使唐括蘇古都

舊作索古底今改正

副之以

兵五千往會燕子城舊戍軍視地形衝要或於狗

濼屯駐遠斤候賊至即戰不以晝夜為限布色忠

義至軍中是時鄂幹西走花道衆尚八萬志義高

忠建軍與賊遇萬戶察喇

舊作查喇今改正

富察

舊作蒲查今改

正為左翼宗亨統之宗寧羅索

舊作刺撒今改正

為右翼

宗叙統之世傑亦在左翼中與賊夾河為陣賊渡

河以兵四萬餘先犯左翼軍察喇以六百騎奮擊敗之以四萬騎與右翼軍戰宗亨世傑七穆琨皆畫失宜陣亂敗於賊世傑挺身投於察喇軍中賊圖察喇軍察喇力戰宗叙以右軍來救賊乃去鄂幹自花道西走布色忠義赫舍里志寧以大軍追及於梟嶺西陷泉明日賊軍三萬騎涉水而東大軍先據南岡左翼軍自岡為陣迤邐而北步軍繼之右翼軍繼步軍北而引東作偃月陣步軍居中



騎兵據其兩端使賊不見首尾是日大霧晦冥既陣霧開少頃晴霽賊見在左翼據南岡不敢擊擊

右翼軍烏延察喇力戰賊稍却志寧與爪爾佳清

烏凌噶

舊作烏林答  
刺今改正

薩都拉

舊作撒鐸  
刺今改正

合戰賊大

敗將涉水去泥濘不得急渡大軍逐北人馬蹂踐而死不可勝數陷泉皆平餘衆蹈藉而過或奔潰

竄匿林莽間大軍踵擊之俘斬萬計生擒其弟偽

六院司大王梟鄂幹僅與數騎脫去綽哈

舊作鈇  
元今改

正 清臣追四十餘里不及斬千餘級獲車帳甚衆

其母錫納

舊作徐輦  
今改正

舉營自嚕庫

舊作落括  
今改正

岡西

走志寧追之盡獲輜重俘五萬餘人牲畜不可計

數偽節度使六及其部族皆降拈北京副統完顏

達吉括本部馬規辨芻糧仍使達吉為監戰官錄

有功者聞奏鄂幹收合散卒萬餘人遂入奚部以

諸奚自益時時出兵寇蘇嚕克

舊作連魯  
古今改正

淀古北

口興化之間溫德亨

舊作溫迪  
今改正

阿嚕岱

舊作阿魯  
帶今改正

守古北口與戰敗焉詔完顏默音布魯瑋

舊作蒲盧渾今

改以兵三千合舊屯兵五千擊之詔完顏思敬以

所部兵入奚討鄂幹鄂幹自度勢窮乃謀自羊城

道西京奔夏國大軍追之益急其衆復亡去度西

不能乃北走沙陀間監軍志寧獲賊碩和卓

舊作稍合

舊作改正釋而勿殺縱還賊中使誘其親近捕鄂幹以

自效九月碩和卓與實圖肯

舊作神獨幹今改正執鄂幹詣

右都監完顏思敬并獲其母錫納及其妻子婦弟

姪盡獲偽金銀牌印志寧與清臣蘇克

舊作連哥  
今改正

等追餘黨至燕子城盡得其黨前至茂巴爾達

舊作

抹拔里達  
今改正

之地悉獲之逆黨遂平尼瑪哈綽哈

舊作

尼龍古欽  
兀今改正

傳海陵將伐宋而契丹反命與都統白

彥敬副統赫舍里志寧進討至北京未能進會世

宗即位遼陽綽哈迎謁遷輔國上將軍興都統烏

哲庫

舊作吾扎  
忽今改正

副統琿

舊作渾  
今改正

計鄂幹綽哈行至

宗歷與鄂幹遇左軍小却綽哈挺槍馳入其陣手

卷一百一  
殺二十餘賊乃退元帥布色忠義自花道追之綽  
哈以前鋒追及於陷泉遂大敗之赫舍里良弼傳  
鄂幹敗於陷泉入奚中詔良弼佩金牌銀牌四往  
北京招撫奚契丹

世宗紀大定四年二月以北京粟價踴貴請免今  
年課甲三月詔免北京歲課段匹一年九月上謂  
宰臣曰北京懿州臨潢等路嘗經契丹寇掠父母  
兄弟不能相保多冒鬻為奴朕甚憫之可速使閱

實其數出內庫物贖之金史章宗紀承安元年十月命左丞相襄行省於北京二年三月以叅知政事裔代左丞相襄行省於北京五月北京行省叅知政事裔移駐臨潢府九月遣官分詣北京等路招募漢軍不足則答捕之以胥持國為樞密副使權叅知政事行省於北京泰和四年六月罷惠川高三州秀巖灤陽徽州咸寧全安利民六縣及北京宮苑使

金史衛紹王紀崇寧元年十月曲赦北京

金史宣宗紀貞祐三年正月北京軍亂殺宣撫使

溫屯襄

舊作與屯襄今改正

二月詔曲赦招撫北京作亂者

元太祖十年

貞祐四年六月遼西偽瀛王張致遣完顏

納罕

舊作南合今改正

張禎僧上表來歸詔授致特進行

北京路元帥府事兼本路宣撫使納罕同知兵馬

總管府禎僧同知廣寧府

元太祖十一年

欽定熱河志卷一百一

欽定四庫全書

史部

欽定熱河志卷一百

二至  
四

詳校官編修臣曹城

檢討臣德生覆勘

總校官舉人臣章維桓

校對官編修臣戴心亨

謄錄監生臣吳啟晉



欽定四庫全書

欽定熱河志卷一百三

故事四

元

上都路

興州

松州

元史世祖紀中統二年十月詔指揮副使鄭江將

千人赴開平指揮使董文炳率善射者千人由魚

兒泊赴行在所指揮使李伯裕率餘兵屯潮河川

十一月那海

舊作訥懷  
今改正

徙阿呼岱

舊作阿忽  
帶今改正

出古

北口駐興州帝親將諸萬戶漢軍及衛軍由檀順

州駐潮河川三年免興州松州望雲州親舊差賊

以雲望雲松山興州課程隸開平府烏葉爾

舊作  
吾也

與今  
改正

傳興州監軍珠爾

舊作重兒  
今改正

以兵叛烏葉爾往

征之賊軍射殺所乘馬軍士憤起奮戈衝擊大破

賊軍世祖紀至元二十七年二月興州興安饑給

九十日糧十一月興松二州隕霜殺禾免其租二

十九年正月興州之興安宜興兩縣饑賑米五千

石

元史文宗紀致和元年八月阿蘇

舊作阿速

衛指

揮使托克托穆

舊作脫脫木兒今改正

帥其軍自上都來歸

即命守古北口及上都諸王實喇

舊作失剌

平章

政事魯瑪台

舊作乃馬台今改正

詹事奇徹

舊作欽察

戰於

宜興斬奇徹於陣擒魯瑪台送京師戮之實喇敗

走徹爾

舊作徹里

傳子實勒們

舊作失列

直宿衛

致和元年八月從知托克托穆爾至潮河川獲旺

扎勒巴圖爾

舊作完者八都兒今改正

愛勒德濟

舊作愛的斤今改正

等

十二人戮八人執四人歸京歸復於宜興遇實喇

弼瑪台等迎戰奮戈擊死二人以功賞白金楮幣

元史順帝紀至元三年五月以興州松民饑禁上

都興和造酒至正二十四年四月圖卜沁特穆爾

舊作充堅帖木兒今改正

以兵入居庸關皇太子率侍衛兵出

光熙門東走古北口趨興松至路兒嶺詔追及之

還宮庚申外史至正二十八年七月二十一日大

軍自通州進兵克永平伊蘇

舊作也速  
今改正

軍潰於是

檀會順利大興等處以次皆降附焉

按以上諸條載興州松州事其地屬今承德府  
境故著之其概言上都俱不錄

### 大寧路

按大寧路元初為北京路至元七年改大寧嗣  
改武平後復為大寧凡紀傳中書北京者皆大

寧路事在今承德府境故全錄之

元史太祖紀九年十月穆呼哩

舊作木華  
黎今改正

征遼東

高州盧琮金朴等降十年二月穆呼哩攻北京金

元師音達琿

舊作寅答  
虎今改正

烏庫哩

舊作烏古  
倫今改正

以城降

以音達琿為留守烏葉爾權兵馬都元帥鎮之興

中府元帥石天應來降以天應為興中府尹四月

詔張鯨總北京十提控兵從南征鯨謀叛伏誅七

月紅羅山寨主杜秀降十一年春鯨弟張致陷興

中府穆呼哩討平之王珣傳太師穆呼哩略地奚  
霄珣率吏民出迎承制以珣為元帥兼領義川二  
州事張致僭號錦州陰結開義楊伯傑等來掠義  
州珣出戰伯傑引去會致兄子以千騎來衝珣選  
十八騎突其前復令左右犄角之一卒以槍刺珣  
珣揮刀殺之其衆潰走獲其馬幾盡時興中亦叛  
穆呼哩圖之召珣以全軍來會致窺覘其虛夜襲  
之家人皆遇害及興中平珣無所歸穆呼哩留之

興中遣其子榮祖馳奏其事帝諭之曰汝父子宣  
力我家不意為張致所襲歸語汝父善撫其事俟  
逆黨平復之族屬城邑人民一以付汝吾不吝也  
珣以穆呼哩兵復開義擒伯等等殺之進攻錦州  
致部將高益縛致妻子及其黨千餘人以獻穆呼  
哩志以付珣但誅致家其餘皆釋之始還義州太  
祖紀十二年夏盜和尙據武平史天祥討平之  
遂擒金將巢元帥以獻



元史世祖紀中統元年六月詔燕京西京北京三路宣撫司運米十萬石輸開平七月勅燕京西京北京等路宣撫司造羊裘皮帽袴靴皆以萬計輸開平二年八月勅北京運糧於魚兒泊食貨志中統二年免北京差發以鈔一千二百定於上都北京西京等處糴三萬石世祖紀中統三年正月耶律鑄詣北京餉諸王軍仍遣宣撫司柴楨等增價糴米三萬石益之三月括北京鷹坊等戶丁為兵

蠲其賦四月以北京廣寧豪懿州軍勞興弊免今年稅賦兵志中統四年八月命阿海充都元帥專於東京北京平灤懿州蓋州路管領見管軍人凡民間之事毋得預焉世祖紀中統四年三月命北京元帥阿海發漢軍三十人赴開平五月詔北京運米五千石赴開平其車牛之費並從官給八月命中書省給北京西京轉運使車牛價鈔至元元年正月勅北京西京宣慰使和羅以備糧餉二年

正月命北京行省給扎拉齊

舊作扎刺  
赤今改正

戶東徙行

糧萬石十二月宋子貞請罷北京行軍中書省別

立宣慰司以控制東北州郡徙之

按紀書中統二年罷行省置宣慰司至十五年

又書改北京行省為宣慰司而八年至十四年

復屢書特訥克

舊作頭輦  
哥今改正

廉希憲張附哈達

舊作

合答今  
改正

行省如故則是十五年前行省未嘗

罷也史書徙之必有誤

元史世祖紀至元八年正月賑北京饑七月以國  
王特納克行尚書省於北京遼東等路食貨志金  
課在遼陽者至元十年聽李德仁於龍山縣胡碧  
峪淘采每歲納課金三兩世祖紀至元十一年五  
月勅北京中京等新附軍恐不宜暑權駐上京十  
一年二月以廉希憲為中書右丞北京等處行中  
書省事七月勅山北遼東道提刑按察使烏魯斯  
布哈

舊作兀魯失  
不花今改正

同叅知政事廉希憲行省北京

國王特訥克母署事有大事則希憲等就議十二年八月免北京等路今歲綠銀十三年六月以北京行中書省廉希憲為中書右丞行省於荆南府以戶部尚書張附叅知政事行中書省於北京十四年正月詔上都隆興西京北京四路編民捕獵等戶僉選丁壯軍三千人防守上都二月命北京選福住所統軍三百赴上都三月以郡王哈達為平章政事行中書省於北京十五年四月改北京

行省為宣慰司九月詔發東京北京軍四百人戍  
應昌府十月詔河西西京南京西川北京等處宣  
慰司案牘宜依江南近例令按察司照磨移河南  
河北道提刑按察司十六年二月詔河南西京北  
京等路課程令各道宣慰司領之五月烏朗哈特  
舊作几里養  
合帶今改正言賊北京西京車牛俱至可運軍糧  
帝止之十八年二月以京大定諸州早免今歲稅  
賦之半二十年五月省北京提刑按察司副使餘

事各一員八月勅大名真定北京衛輝四路屯駐

新附軍於東京屯田十月罷北京鹽鐵課程提舉

司二十三年七月罷遼陽等處行中書省復北京

感平宣慰司鄂都濟蘇

舊作幹脫吉  
思今改正

部民饑就食

北京二十四年四月諸王納延

舊作乃顏  
今改正

反免北

京今歲絲銀仍以軍旅經行給鈔三千定賑之五

月遣額森

舊作也先  
今改正

傳旨諭北京等處宣慰司凡

額納延所部者禁其征來毋使乘馬持弓矢托爾

楚舊作塔出今改正

傳托爾楚探知納延謀叛遣人馳驛

上聞有旨領軍一萬與皇子阿雅噶齊舊作愛也赤今改正

同力備禦女直碩達勒達舊作水達今改正官民與納延

連結托爾楚遂棄妻子與麾下十二騎直抵建州

距咸平千五百里與納延黨台織巴圖爾舊作太撒技都

兒今等合戰雨中流矢繼知其黨特爾格舊作帖哥今改

正糾爾齊舊作抄兒赤今改正等欲襲皇子阿雅噶齊以數

十人退戰千餘人扈皇子渡遼水納延軍來襲托



爾楚轉關而前射其酋特古勒岱

舊作帖古  
今改正中口

鏃出於項隊馬死追兵乃退遂軍懿州州老幼千  
餘人焚香羅拜道旁泣曰非宣慰公吾屬無遺種

矣世祖紀至元二十四年六月諸王實都爾

舊作  
失都

兒今所部特爾格

舊作鐵哥  
今改正

率其黨取咸平府欲

劫取豪懿州守臣以乏軍求援勅以北京戍軍千  
人赴之九月咸平懿州北京以納延叛民廢耕作  
又霜雹為災告饑詔以海運糧五萬石賑之食貨

志至元二十四年九月除北京馬五百匹世祖紀  
至元二十五年二月省遼東海西道按察司入北  
京改北京為武平路

按元初沿金北京之名至是始改武平地理志  
載至元七年改北京為大寧然紀中仍書北京  
未見以大寧紀事也

世祖紀至元二十五年二月遼陽武平等處除今  
年租稅及歲課貂皮二十六年十月武平路饑發

常平倉米萬五千石賑之十一月武平路饑免令  
歲田租十二月武平路饑以糧二萬三千六百石  
賑之二十八年三月武平路饑百姓田於盜賊軍  
旅免其去年田租賑遼陽武平饑民仍弛捕獵之  
禁四月以地震故免侍衛兵籍武平者今歲徭役  
五月賑上都桓州武平寬河等處饑民十月武平  
路饑免今歲田租十一月武平平灤諸饑弛獵禁  
其孕字之時勿捕食貨志至元二十八年詔武平

路絲綿並除之

按元史食貨志載中統五年北京市糴即至元元年事是年三始改元茲不重錄

世祖紀二十九年正月以武平地震全免去年稅四千五百三十六錠今年糧輸之止徵二千五百六十九錠六月大寧路惠州連年旱澇加以役繁民饑死者五百人詔給鈔二千錠及糧一月賑之

按元史地理志武平後復為大寧不詳年月紀

中無復武平為大寧事以此年正月紀武平六月紀大寧証之則知改名在元二十九年春之間蓋從此始定為大寧矣

元史成宗紀大德五年七月大寧路水以糧千石賑之

元史仁宗紀七月大寧等路隕霜勅有司賑恤

按是年為武宗至大四年仁宗七月己即位故

入仁宗紀

仁宗紀皇慶二年二月以大寧饑禁酒四月大寧路免今歲鹽課延祐四年惠州銀洞三十六眼立提舉司辦課

元史泰定帝紀九月大寧蒙古大千戶部風雪斃畜牧賑米十五萬石

按是年為英宗至治三年泰定帝已即位故入泰定紀

泰定帝紀泰定二年十二月大寧路饑禁釀酒惠

州等處饑賑糴有差三年十一月大寧等路水民饑賑鈔五萬錠是歲大寧路大水溺死者人給鈔一錠四年三月大寧廣平二路屬縣饑賑鈔二萬八千錠致和元年四月大寧屬縣饑發粟賑之

元史順帝紀元統二年六月大寧廣寧遼陽開平懿州水旱蝗大饑詔以鈔二萬錠遣官賑之庚申外史上都與紅羅山未平庚申帝在上都紅羅山在東南伊蘇駐兵在馬上都恃有紅羅山為之藩

羅紅羅山恃上都為救援而不設備常遇春使人  
覘知之即以大兵銳騎晝夜兼行六月破紅羅山  
七月破上都城

按是年為至正二十九年明太祖洪武二年

明

興州衛

明太祖實錄命遇春自鳳翔赴北平以平章李文  
忠輔之自北平往取開平道三河徑鹿兒嶺過惠



州敗故元將江文清兵次全寧故元丞相伊蘇復以兵迎戰又敗之伊蘇遁去進攻大興州乃分兵千餘為八屯伏其歸路大破之明史李文忠傳拜征虜左副將軍與大將軍分道北征至北慶州而還道興州禽國公江文清等降三萬七千人至紅羅山又降楊思祖之衆萬六千餘人

按江文清常遇春傳作汪文清字誤也

明太祖實錄洪武四年二月罷山後諸州徙其民

於山南中書右丞相魏國公徐達奏山後順寧等  
州民雖已招集來降未見安土樂生恐其久而離  
散已徙順寧宜興州沿邊民入壯平州縣洪武七  
年九月燕山衛都指揮使朱杲通州衛指揮僉事  
鄭治汝寧衛指揮僉事馮俊密雲衛指揮僉事張  
斌等率師出古北口防秋卒遇敵皆力戰死明史  
成祖紀洪武三十五年十月命北平州縣棄官避  
靖難兵者朱寧等二百十九人入粟免死戍興州

大寧衛

營州衛

明太祖實錄洪武四年十一月賜北平紅羅山新

附韃靼軍五萬七千七百餘人綿花綿布蘇木五

年六月振武衛指揮僉事王常先等招集紅羅山

故元將阿蘇

舊作阿達  
今改正

所部軍士七千人來降七

年七月左副將軍李文忠帥師攻高州大石崖克

之斬故元宗王托多實哩

舊作朶朶失  
里今改正

禽其承制

伯嘉努

舊作百家  
奴今改正

餘衆敗走文忠復遣指揮唐某

追擊之至氊帽山遇故元魯王營於山下以兵攻

之斬魯王及司徒達噶濟

舊作答海  
俊今改正

平章巴爾

舊作

已刺今  
改正

知院呼都克

舊作忽都  
今改正

獲魯王妃蒙克圓

舊作蒙兒  
充今改正

升金印一玉圖書一十二年六月命都

督僉事馬雲統兵往大寧明史太祖紀二十年正

月馮勝為征虜大將軍傅友德藍玉副之率師征

納克楚

舊作納哈  
出今改正

三月師出松亭關城大寧寬河

會州富峪六月踰金山納克楚降閏月師還次金山都督濮英殿軍遇伏死之九月置大寧都指揮使司明太祖實錄十月征虜大將軍永昌侯藍玉奏留人馬戍守大寧會州等處二十一年命北平都指揮使司調新籍軍士赴大寧屯戍代還舊軍二十三年遣使勅遼東都指揮故晏朱勝率所轄軍馬往大寧候總兵官調遣其駝牛馬非備戰者悉發大寧運糧二十五年八月置營州後屯衛命

指揮郭麟守之二十六年二月置營州前屯衛於  
興州右屯衛於建州中屯衛於龍山縣左屯衛於  
塔山北

按興州當作興中州誤脫一字

明史太祖諸子列傳寧獻王權太祖第十七子洪武  
二十四年封踰二年就藩大寧在嘉峯口外古會  
州地東連遼左西接宣武為巨鎮帶甲八萬革車  
六千所屬諾音舊作朶顏三衛騎兵皆驍勇善戰

今改正

權教令諸將出塞以善謀稱明太祖實錄二十八  
年四月調大寧左右二衛為寧王營州左右二護  
衛

明史惠帝紀建文元年八月詔興州營州開平諸  
衛軍全家在伍者免一人十月燕兵自劉家口間  
道襲陷大寧守將朱鑑死之總兵官劉貞都督陳  
亨援大寧亨叛降燕燕以寧王權及諾音三衛卒  
歸北平太祖諸子列傳建文元年朝議恐權與燕

王合使人召權權不至坐削三護衛其年九月江陰侯吳高攻永平燕王往救高退燕王遂自劉家口間道趨大寧詭言窮蹙來求救權邀燕王單騎入城歎洽不為備北平銳卒伏城外吏士稍稍入城陰結三衛部長及諸戍卒燕王辭去權祖之郊伏兵起擁權行三衛驍騎及諸戍卒一呼畢集守將朱鑑不能禦戰歿王府妃妾世子皆隨入松亭開歸北平大寧城為空明太宗實錄七月庚寅守



遵化指揮蔣玉言都督劉貞陳亨都指揮卜萬引  
大寧兵出松亭關駐沙河將攻遵化壬辰上率兵  
援之劉貞等聞上將至走還松亭關己未命千戶  
李濬等領兵至關劉貞等閉關不敢出適邏騎獲  
大寧二卒至乃作招卜萬書盛稱獎萬而極毀詆  
亨賊識牢密召一卒飲之酒且厚賚之而置書其  
衣中俾歸與萬其同獲之卒竊窺之問守者曰彼  
何為者守者曰遣歸通意故得厚賚卒請偕行遂

俱遣而不與賚不得賚者至即發其事劉貞陳亨  
搜卒衣得與卜萬書遂疑萬執下獄籍其家九月  
議攻大寧乙未師行十月戊戌師至劉家口路極  
險隘守關百餘人乃命鄭亨領勁卒數百卷旆登  
山斷其歸路而從後攻之悉擒守關者師遂度關  
壬寅師抵大寧適西南隅城崩遂克之獲都指揮  
房寬遣陳亨家奴并城中將士家屬報亨等劉貞  
等引軍來拔軍士聞家屬無恙皆解甲寧王權三

護衛軍為朝廷削奪者尚留城中至是皆歸附上  
悉以還寧王丁未劉貞陳亨回至亂塔黃崖亨與  
營州中護衛指揮徐理右護衛指揮陳文夜襲破  
貞營貞單騎走廣寧亨等率眾降甲寅拔大寧之  
眾及寧王權皆回北平乙卯我軍至會州以大寧  
歸附之眾分隸各軍丁巳師松亭關

按明史言燕王詐入大寧而實錄言城西南隅  
崩而入事跡互異今兩存以備考

明太宗實錄 十月命兵復議大寧營州興州三  
衛凡各衛官軍先調遼東等處及在京並有坐事  
摘戍邊者皆令復原衛屯田命戶部尚書王鈇馳  
驛往北平與新昌伯唐雲經度屯糧十一月令武  
安侯于千戶寨灰嶺慶州神樹西馬山七度河皆  
設烟墩使屯守知備仍令新昌伯以領軍自小興  
州至大興州東接牛嶺會州塔山龍山諸處屯種  
北勿令出會州西勿過千戶寨永樂元年二月辛

亥以興州左屯興州右屯興州中屯興州前屯興州後屯隸北京留守行後軍都督府

按明史地理志興州諸衛永樂元年二月徙治玉田遷安良鄉豐潤三河實錄不言徙治史官之疎也

明太宗實錄永樂元年二月改營州左護衛為隆慶左衛右護衛為隆慶右衛中護衛為寬河衛三月調營州左屯衛於順義右屯衛於薊州中屯衛

於平谷前屯衛於香河後屯衛於三河衛設左右  
中前後五所仍隸大寧都司

明史成祖紀永樂元年三月改北平行都司為大

寧都司徙保定始以地畀烏梁海

舊作兀良哈今改正

諾音衛

泰寧衛

明史諾音傳成祖從燕起靖難患寧王躡其後自  
永平攻大寧入之謀脅寧王因厚賂三衛說之來

成祖行寧王餞諸郊三衛從一呼皆起遂擁寧王  
西入關成祖復選其三千人為奇兵從戰天下既  
定徙寧王南昌徙行都司於保定盡割大寧地界  
三衛以償前勞

按烏梁海初在黃河北明太祖二十二年分置  
三衛以居之其部落始內徙然猶有大寧等衛  
錯處而監制之如都護然及成祖盡撤諸衛以  
地全畀烏梁海終明之世邊徼遂無寧歲

明太宗實錄永樂十年四月福餘等三衛指揮使

鼎爾巴哈

舊作南不  
花今改正

等如勅書遣人納馬贖擄掠

邊卒之罪十九年十一月命遼將置邏騎營於古

北口之北神樹之地作深溝高塹以自固二十年

七月車駕次捕虜川始諸將之赴烏梁海也諭之曰

官軍至彼虜必西走以兵從西要之可獲也至是

率精騎數萬馳赴之命武安侯鄭亨成山侯王通

陽武侯薛祿率大營諸將軍後行甲戌烏梁海寇



黨老弱者詣軍門待罪命釋之八月戊戌車駕次  
玻璫谷諸將先受命征烏梁海者奏云已入寇穴  
寇悉衆來敵大敗之斬首數千級餘衆潰而西走  
盡收其口孳畜先道大寧入喜峰口

明史宣宗紀宣德三年八月丁未帝自將巡邊九  
月辛亥次石門駙烏梁海寇會州帝帥精卒三千  
人往擊之乙卯出喜峰口擊寇于寬河帝親射其  
前鋒殪三人兩翼軍並發破之甲子班師癸酉至

自喜峰口六年七月許諾音三衛市易明宣宗實錄

六年正月宥泰寧福餘諾音三衛剽竊之罪勅諭

其大小頭目七年五月諾音衛指揮使司差指揮

圖魯特穆爾

舊作都兒帖木兒今改正

奏所降印信為已延實

哩

舊作本雅里今改正

掠去請再給賜從之十年十月鎮守

遼東太監伊實喀

舊作亦失哈今改正

等奏諾音三衛縱其

部落數來擾邊乞舉兵征勦

明英宗實錄正統四年九月右叅將都指揮使楊

洪領軍追捕叛虜至白塔兒十岔口遇烏梁海五

百餘騎射死十二人生擒三人并獲其馬匹軍器

六年十月左叅將都督僉事黃直等率兵巡哨至

巴顏

舊作伯顏  
今改正

山遇虜騎百餘擊走之明日至明

安

舊作閼安  
今改正

山復與烏梁海三百餘騎遇都指揮

朱謙文洪廣等率衆又敗之至莽賚

舊作莽來  
今改正

泉

賊遁去八年四月錦衣衛指揮僉事王息奉使烏

梁海三衛還九年正月命成國公朱勇興安伯徐

亨都督馬亮陳懷等分統兵出境勦賊時烏梁海  
三衛雖陽朝貢屢寇遼東延安邊境命勇出喜峰  
口恭順侯吳克忠佐之亨出界嶺口亮出劉家口  
懷出古北口各將兵萬人約至黃河土河兩大口  
等處探賊踪跡葉向高諾音三衛考勇等兵渡柳  
河經大小興州過神樹至全寧遇福餘逆戰敗之  
次虎頭山及流沙遇泰寧諾音又敗之

明英宗實錄初肥河衛都指揮伯勒格

舊作別里格今改正

奏烏梁海拘殺其使人朝廷許其報復伯勒格遂

同教罕

舊作嘔罕  
今改正

河衛都督尼克塔

舊作你哈  
答今改正等

率衆與戰大敗之明史諾音傳正統十二年衛拉

特

舊作毛刺  
今改正

擊殺爾巴哈

舊作乃兒不  
花今改正

大掠以

去額森繼至諾音泰寧皆乞降福餘獨走避諾哀

舊作腦溫  
今改正

江三衛益哀畏衛衛拉特強不敢背仍

歲來致貢止以利中國賜賚又心銜邊將勦殺潛

圖報復十四年夏大同叅將石亨等復擊其盜邊

者於箭谿山三衛益怨秋導衛拉特大入英宗遂以是役北狩

按正統是諾立三衛入貢邀賞無慮數十次其間六年則一年五至四年五月則一月四至考土木事在十四年而正月中猶有來朝者上下恬嬉懵然不悟彼宣獨賜賚為利益為衛拉特所使耳茲諾音傳所言庶幾得其實矣

明英宗實錄諾音衛都指揮阿爾齊默

舊作阿免  
亡蠻今改

正遣其頭目哈喇等來朝奏言為衛拉特額森所

逼徙其部落於黃河穆楞

舊作毋納今改正

之地昨者欲

召三衛頭目令發壯丁隨營攻戰臣等以祖父以

來世臣中國不願從之且言額森欲分道南向恐

為邊患并進馬匹詔宴勞之先是泰寧等衛都督

僉事格根特穆爾

舊作革干帖木兒今改正

等遣人上書願附

塞居住為中國藩籬且乞大寧廢城及甲盾見賜

如有外侮願備前驅令去塞二百里居住天順二

年諾音衛欲從宣府入境朝貢守臣以聞命仍從  
喜峰口入

明憲宗實錄成化十年正月重給諾音衛印從本

衛署印知院托和齊

舊作脫大  
赤今改正

言其印為瑪拉噶

舊作毛里  
種今改正

所掠故也二十三年六月諾音三衛為

耶海

舊作耶孫  
今改正

等逐掠各攜人畜入關避匿勅遼

東守臣嚴為戰守之備仍遣譯諭三衛聽其暫駐

近邊



明孝宗實錄宏治十一年十二月巡撫薊州都御史洪鍾奏潮河川去京師僅二百里居兩山之間約廣百餘丈每夏秋水漲溢則汪洋巨浸水退則坦然平路虜可擁衆而入請於本處之東三里許第二第三兩寨之間其山內高外低約餘二丈鑿為兩渠以殺水勢復於口外斜砌石堰使水由川中行仍於石堰之內築立外關一座以百人防守使虜不衝突從之

明史諾音傳三衛之迭犯也實諾音部哈丹

舊作哈丹

兒令改正

陳通事為之二人者俱中國人被虜遂為三

衛用嘉靖二十九年俺答謀犯畿東哈丹為指潮

河川路俺答移兵白廟近古哈丹詐言敵已退邊

備緩俺答遂由鴿子洞曹榆溝入直犯畿甸已而

俺答請開馬市哈丹復往來誘阻之三十年薊遼

總督何棟購捕至京伏誅

欽定熱河志卷一百二

欽定四庫全書

欽定熱河志卷一百三

外記一

烏桓鮮卑之在漢魏慕容氏高氏馮氏之在晉宋

及北魏奚契丹之在隋唐諾音

舊作朵顏  
今改正

泰寧等

之在明聲教所阻宛若異域然二千餘年間君長

渠帥之名氏散見諸書或詳或略未可以闕而弗

紀其盛衰興廢梗概差存均藉是可考亦輿記所

不容遺也爰各標名氏為綱與故事門相表裏互  
資審核其事蹟旁見側出不能繫之一人者別為  
附錄綴各國之末云志外記第二十三

漢

烏桓

按烏桓在漢初為匈奴冒頓所破餘衆孤弱臣  
服匈奴武帝時霍去病擊破匈奴左地徙烏桓  
於上谷以東五郡塞外光武郝旦等內附復置

之塞內於是緣邊諸郡漸為烏桓所據其在今  
承德府境者曰遼西烏桓曰右北平烏桓曰漁  
陽烏桓而遼西烏桓為最強茲叙郝旦以下諸  
人如左

又按漢時匈奴建庭直代雲中不在承德府境  
其有事於上谷以東者已載故事門茲纂外記  
不列匈奴斷自烏桓始

遼西烏桓郝旦

後漢書烏桓傳建武二十二年匈奴國亂烏桓乘  
弱擊破之匈奴轉北徙數千里漠南地空二十五  
年遼西烏桓大人郝旦等九百二十二人率衆向  
化居塞內布於緣邊諸郡遂為漢偵候助擊匈奴  
鮮卑

漁陽烏桓歆志賁

後漢書鮮卑傳漁陽赤山烏桓歆志賁等數寇上  
谷永平元年祭彤賂偏何鮮卑名擊歆志賁破斬之

遼西烏桓於秩居

後漢書鮮卑傳烏桓大人於秩居等與連休

遼西鮮卑

有宿怨共郡兵奔擊大破之

元初四年

漁陽烏桓扶漱官

後漢書鮮卑傳烏桓豪人扶漱官勇健每與鮮卑

戰輒陷敵詔賜號率衆君

永建六年

右北平烏桓烏延

後漢書烏桓傳靈帝初右北平烏延衆八百餘落

自稱汗魯王

遼西烏桓邱力居

後漢書烏桓傳靈帝初烏桓大人遼西有邱力居者衆五千餘落自稱王中平四年前中山太守張純叛入邱力居衆中自號彌天安定王遂為諸郡烏桓元帥寇掠青徐幽冀四州五年以劉虞為幽州牧虞購募斬純首北州乃定

遼西烏桓樓班 蹋頓



後漢烏桓傳獻帝初平中卬力居死子樓班年少  
從子蹋頓有武略代立總攝三郡謂遼西烏桓右  
北平烏桓遼東屬國烏桓衆皆從其號令建安初  
冀州牧袁紹與前將軍公孫瓚相持不決蹋頓遣  
使詣紹求和親遂遣兵助擊瓚破之紹矯制賜蹋  
頓難樓蘇僕延烏桓二字烏延等皆以單于印綬  
後難樓蘇僕延率其部衆奉樓班為單于蹋頓為  
王然蹋頓猶秉計策及紹子尚敗奔蹋頓時幽冀

吏人奔烏桓者十餘萬戶尚欲憑其兵力復國中  
國建安十二年曹操自征烏桓大破蹋頓於柳城  
斬其首虜二十餘萬人袁尚與樓班烏延等皆走  
遼東遼東太守公孫康並斬送之其餘衆萬餘落  
悉徙居中國

按袁紹矯制所封之單于自蹋頓烏延之外尚  
有難樓為上谷烏桓蘇僕延為遼東屬國烏桓  
以不在今承德府境故不錄又漢書所列烏桓

封單于者四人三國魏志亦謂賜蹋頓難樓峭

王

即蘇僕延

汗魯王

即烏延

印綬皆以為單于而裴松

之注引英雄記則謂拜烏桓三子為單于及載

詔封之版文則稱遼西率衆王蹋頓右北平率

衆王汗盧維遼東屬國率衆王頒下所謂盧汗

維者當即烏延或因其自稱汗魯王而訛所謂

頒下者當即蘇僕延

魏志傳太祖臨陣斬蹋頓首速附九樓班烏延等走

遼東所謂速附九亦即蘇僕延武帝紀亦作速僕九

名號各殊難於稽証

則中外字書音譯成訛理固然耳

右北平烏桓能臣抵之

三國志魏武帝紀北征三郡烏桓未至二百里虜  
乃知之尚熙與蹋頓遼西單于樓班右北單于能  
臣抵之等將數萬騎逆軍

按袁紹所封之右北平單于為烏延是時與魏  
逆戰者據後漢書三國志烏桓傳烏延亦在其  
內而魏武記獨作能臣抵之當是別為一人其

所以稱為單于別無可攷

又按後漢時烏桓名之見於漢書者有烏桓大人勿柯烏桓大人戎朱鹿率衆王侯咄歸去延等俱未詳其屬於何部故不錄

### 鮮卑

按鮮卑在漢初亦為冒頓所破竄於遼東塞外未嘗通中國建武初始與烏桓隨匈奴寇北邊永元中耿夔擊破北匈奴因徙據其地稍稍近

邊其後寢大至延熹時分為三部右北平以東  
為東部以西為中部今承德府境蓋得東部十  
之七中部十之三茲叙連休以下諸人如左

遼西鮮卑連休

後漢書鮮卑傳元初四年遼西鮮卑連休等燒塞

門寇百姓

遼西鮮卑烏倫 其至韃

後漢書鮮卑傳永寧元年遼西鮮卑大人烏倫其

至韃率衆詣鄧遵降奉貢獻詔封烏倫為率衆王  
其至韃為率衆侯建光元年秋其至韃復叛累殺  
郡守控弦數萬騎後其至韃死鮮卑抄盜差稀

按鮮卑之在後漢於光武時首先內屬受封者  
為於仇責滿頭然其所居在遼東於桓帝時最  
强大者為檀石槐凡東西中三部大人皆屬之  
然其卓帳在高柳北三百餘里並在今承德府  
境外故不列後倣此

遼西鮮卑宇文普回 莫那

北史周本紀其先出自炎帝為黃帝所滅子孫遁  
居朔野其後有葛烏菟者鮮卑奉以為主遂總十  
二部落世為大人及其裔孫曰普回因狩得玉璽  
三紐文曰皇帝璽普回以為天授已其俗謂天子  
曰宇文故國號宇文因以為氏普回子莫那自陰  
山南徙始居遼西是曰獻侯為魏甥舅之國九世  
至侯豆歸為慕容皝所滅



按自晉以上九世為宇文莫那約計當在漢時  
故附錄於此侯豆歸即十六國春秋所載逸豆  
歸詳見後

魏

烏九

即漢烏桓  
魏書作九

按漢武北討以後烏九微矣今錄其可考者二  
人

右北平烏九寇婁敷

遼西烏丸護留

三國志毋邱儉傳毋邱儉率幽州諸軍屯遼隧右  
北平烏丸單于寇婁敦遼西烏丸都督率衆王護  
留等昔隨袁尚奔遼東者率衆五千餘人降寇婁  
敦遣弟阿羅槃等詣闕朝貢封其渠帥二十餘人

為侯王

景初元年

按烏丸傳裴松之注引魏畧護留作護留葉

當即

等字之誤隨袁尚奔遼東作遼西阿羅槃作阿羅槃

二十餘人作三十餘人當從儉傳為正

又北魏書徒河段就六眷傳有漁陽烏桓庫辱  
官約畧時世當在魏末晉初然無確驗附著於  
此

鮮卑

按魏初鮮卑軻比能為最強其地自雲中五原  
東抵遼水實盡有今熱河全境然其卓帳當并  
州之北在今承德府境外比能見殺之後其餘

衆散居潢水之南黃龍之北亦皆無名氏可考  
今惟錄檀石槐舊部受魏封爵者著於篇

素利彌加 厥機 沙末汗 成律歸

三國志鮮卑傳業素利彌加厥機皆為大人在遼西  
右北平漁陽塞外建安中因閭桑上貢獻通市太  
祖皆表寵以為王厥機死又立其子沙末汗為親  
漢王延康初又各遣使獻馬文帝立素利彌加為  
歸義王太和二年素利死子小以弟成律歸為王

代攝其衆魏書鮮卑傳檀石槐分其地為中東西  
三部從右北平以東至遼東接夫餘濊貊為東部  
二十餘邑其大人曰彌加厥機素利槐頭從右北  
平以西至上谷為中部十餘邑其大人曰柯最闕  
居慕容等

按檀石槐東部大人以魏書所載方位証之彌  
加厥機素利當在今境然三國志以素利彌加  
為二人厥機為一人魏書又似以彌加厥機為

一人素利為一人未詳孰是其中部大人亦未  
審孰居今境並附存之

晉

鮮卑

烏丸附

按西晉之末北州紛擾熱河北境為鮮卑宇文  
氏地為詳著卷內其時烏丸已弱餘種尚雜處  
其間故祇從附載至熱河南境雖為段氏疆域  
所涉而段氏世居今支建亭不在今境內如檀

石槐軻比能例不書

鮮卑宇文莫圭

魏書作莫鹿

十六國春秋前燕錄太安初鮮卑宇文單字莫圭

部衆強盛遣其弟屈雲寇邊別帥素德延

晉書載記及魏

書作素延攻掠諸部鹿親擊敗之素怒延復率衆十萬

圍鹿於棘林衆咸震懼鹿曰素怒延軍無法制已

在吾計中諸軍但為力戰無所憂也乃躬貫甲冑

馳馬出擊大敗之追奔百里俘斬萬餘人

按庾信周上柱國齊王憲碑晉太康之世據有黃龍當太安初宇文莫圭攻慕容廆之時距太康止十有餘年史稱莫圭部衆強盛自稱單于則所謂據有黃龍者當即莫圭

鮮卑宇文悉獨官

魏書作  
遜昵延

十六國春秋前燕錄太興二年廆封略漸廣據棘城晉平州刺史東夷校尉崔毖乃陰結高句麗及宇文氏段氏謀滅廆以分其地三國進攻棘城廆



閉門自守遣使獨以牛酒犒宇文大人聲言於衆  
曰崔慆昨有使至二國疑宇文氏與虜有謀各引  
兵歸宇文大人悉獨官曰二國雖歸我當獨兼其  
國率衆數十萬逼城連營四十里虜使召其子翰  
於徒河翰遣使謂虜曰悉獨官舉國為寇彼衆我  
寡易以計勝難以力勝今城中之衆足以禦寇翰  
請為奇兵於外伺其間而擊之乃聽翰留徒河悉  
獨官聞之曰翰素名驍果今不入城或能為害當

先取之城不足憂也遂分遣數千騎擊翰翰潛知之詐為段氏使者逆於道曰慕容翰久為吾患聞當擊之吾已嚴兵相待宜速進也使去翰即出城設伏以待之宇文氏之騎見使者大喜馳行不復設備進入伏中翰奮擊盡獲之乘勝逕進遣間使語庾出兵大戰庾使子琨與長史裴疑將精銳為前鋒自將大兵繼後恚獨官自恃其衆初不設備見庾兵至方率衆逆戰前鋒始交翰將千騎

從旁直衝其營縱火焚之衆皆震擾不知所為遂  
大敗之悉獨官僅以身免盡俘其衆獲皇帝玉璽  
三紐

按黠破悉獨官得玉璽三紐與周書普回文合  
知悉獨官以下至乞得歸逸豆歸即九世中之  
三世也

鮮卑宇文乞得歸

晉書載紀及魏書作乞得龜

十六國春秋前燕錄太寧三年春三月石勒遣使

通和龐拒之送其使於建康勒怒加宇文弼得歸  
官爵使之擊龐龐遣鮑拒之以遼東相裴疑為右  
部都督率索頭段國為右翼命征虜仁自平郭趣  
伯林為左翼乞得歸屯保澆水固壘不戰遣兄子  
悉拔雄襲仁於伯林仁逆擊悉拔雄斬之悉虜其  
衆乘勝與鮑攻乞得歸大破之乞得歸棄軍走鮑  
仁入其國域使輕兵追乞得歸過三百里而還盡  
獲其國重器畜產以百萬計徙其民數萬戶以歸

先是海出大龜枯死於平郭至是而乞得歸敗其  
東部大人逸豆歸逐而殺之因自立為王

鮮卑宇文逸豆歸 洸奕干

十六國春秋前燕錄宇文逸豆歸既殺乞得歸自  
立咸和八年八月鮑率騎討之軍於廣安逸豆歸  
懼請和遂築榆陰安晉二城而還咸康元年七月  
遣右司馬封奕率兵襲擊宇文別部洸奕干

一作洸夜

干  
大獲而還洸奕干率騎追戰于渾水又敗之二年

六月段遼遣弟蘭將攻柳城西曲水宇文逸豆歸入寇安晉以為蘭聲援孰引兵北趣安晉逸豆歸棄輜重走孰遣封奕率輕騎追擊大破之收其軍實館穀二旬而還十月使封奕攻宇文別部大捷而歸五年又使子溫寇將軍恪平敵將軍霸等擊宇文別部建元元年二月宇文逸豆歸遣其相國莫淺渾將兵來伐諸將爭欲擊之孰不許渾以孰為憚已荒酒縱獵不復設備孰遣翰率騎擊之渾

大敗僅以身免二年正月黠與左司馬高誦謀伐  
宇文逸豆歸以翰為前鋒將軍劉佩副之分命廣

威將軍軍

慕容  
軍也

渡遼將軍恪平敵將軍霸及折衝

將軍慕容根將兵三道並進逸豆歸遣驍將南羅  
大洗夾干將精兵拒翰翰自出衝陣夾干將應之  
霸從旁邀擊遂斬夾干宇文士卒不戰而潰燕兵  
乘勝逐之遂克其都城逸豆歸遠遁死漠北宇文  
氏由是散亡黠悉收其畜產貨貨闢地千餘里徙

其部民五萬餘落于昌黎改徙于所居城為威德城使弟左將軍彪戍之而還

鮮卑木提

附烏桓悉羅侯

十六國春秋前燕錄咸和九年正月旣遣軍詣祭酒封奕攻鮮卑木提于白狼揚威將軍淑虞攻烏丸悉羅侯於平岡皆破斬之

前燕

按慕容氏自鹿居棘城尚在今承德府境外後



併段氏宇文氏其境始大自廐及黠並受晉封  
號洎稱燕王漸成外域黠都龍城實居今境故  
記錄自黠始僞之二年始南徙數年之間不乏  
事蹟茲具著於篇并及龍城留臺以下諸人不  
列慕容暉者以其都鄙不在今境也

### 慕容皝

十六國春秋前燕錄慕容皝字元貞小字萬年廐  
第二子晉成帝咸和八年五月廐卒皝嗣遼東公

位九年三月段遼寇徒河黜別將張萌擊敗之遼  
遣弟蘭寇柳城不克而退休息二旬復益兵來攻  
卒不能拔黜遣寧遠將軍汗及封奕等共救之與  
蘭遇于牛尾谷大敗奕整陣力戰得不沒咸康二  
年六月段遼遣中軍將軍李詠夜襲武興遇雨而  
還都督張萌追擊禽之遼別遣弟蘭率步騎數萬  
屯於曲水亭將攻柳城西曲水黜率步騎五萬擊  
之師次柳城蘭不戰而遁黜謂諸將曰虜恥無功

而歸必將復至宜於柳城左右設伏以待之乃遣封奕率騎潛伏於馬兜山七月遼果來寇抄奕夾擊大破之斬其將榮伯保十月使世子雋伐段遼諸城大捷而歸三年正月從昌黎郡築好城於乙連東戍之以逼乙連六月遼又遣從弟揚威將軍屈雲夜襲毇于遵于興國城大戰於五官水上雲敗斬之九月左長史封奕等以毇任重位輕宜稱燕王遂以三年十月丁卯僭即王位大赦改備羣

司十一月旣以段遼屢為患稱藩於趙乞師討遼  
自請盡率國中之衆會之并以弟寧遠將軍汗為  
質石虎大悅辭其質期以明年大舉四年正月旣  
遣都尉趙槃如趙聽師期虎將擊段遼募驍勇者  
三萬餘人悉拜龍騰中郎率舟師十萬步騎七萬  
伐之三月槃還至棘城旣引兵攻掠令支以北諸  
城段遼弟蘭來拒戰敗之掠五千餘戶及畜產萬  
計以歸五月趙王虎至徐無遼奔密雲山虎進入

令支怒黠之不會師先攻遼而自專其利率衆來  
伐燕人震恐黠成周內史崔燾等凡三十六城皆  
叛應之趙兵進攻棘城圍守旬餘左右或勸黠降  
黠曰孤方取天下何謂降也遣子盪冠將軍恪等  
率騎二千晨出擊之趙兵棄甲逃潰恪等乘勝追  
擊斬獲二萬餘級黠分兵討諸叛城皆下之拓境  
至凡城築戍凡城而還十二月段遼降黠遣使詐  
降于趙請兵接應石虎遣征東將軍麻秋率衆三

萬迎之。鮑自率諸軍迎遼，遣伏精騎七千于密雲。

山大敗麻秋於三藏口，擁段遼及其步衆以歸。五

年四月，虎使鎮遠將軍石城

據後趙錄當作石成

入寇，凡城

不克進，陷廣城。

當作成

六年，鮑率驍騎二萬出蠡螭

塞，長驅至於薊城，掠徙入幽薊，三萬餘戶而還。七

年正月，使築龍城，改柳城為龍城縣。八年七月，營

龍城新殿。十月，鮑遷都城，大赦。晉康帝建元元年十

月，鮑躬巡郡縣，勸課農桑，復大起龍城宮闕。二年

四月趙平北將軍尹農率衆寇凡城不克而去晉  
穆帝永和元年二月賜大臣子弟為官學生號高  
門生立東牆於舊宮以行鄉飲之禮親造太上章  
以代急就又著典誡十五篇並以教胄子十月銑  
以古者諸侯即位各稱元年於是始不用晉號自  
稱十二年十四年正月銑親幸東庠十月享羣臣  
於承乾殿以久旱丐百姓田租十五年七月銑改  
於西鄙馬倒被傷九月丙申薨於承乾殿時年五

十二在位十五年十月葬於龍山偽僭號追謚文明皇帝廟號太祖陵曰龍平

按錄內慕容汗慕容恪當時俱為將軍然止因事著號故不另標題後倣此

慕容儁

十六國春秋前燕錄慕容儁字宣英小字賀賴拔  
皝第二子僭即燕王位稱元年大赦四月發兵伐  
趙以恪為輔國將軍評為輔弼將軍陽騫為輔義



將軍霸為前鋒都督建鋒將軍簡精卒二十餘萬  
二年二月使霸將兵二萬自東道出徒河慕容根  
自西道出蠕蠕塞雋自中道出盧龍塞代趙留世  
子守龍城三月攻陷薊城入都於薊兵至范陽太  
守李產率八城令長出降四月悉置幽州郡縣守  
宰自將擊鄧恒於魯口引兵還薊八月徙代郡民  
於凡城九月南徇冀州十月還薊留諸將守之還  
至龍城謁陵廟二年二月丹閏僭稱大號攻圍襄

國趙主石祗危迫乞師閔問儁欲救趙遣大司馬從事中郎常煒來聘儁因煒於龍城遂還薊八月克中山釋煒因使居凡城十二月儁如龍城元璽元年正月儁還薊稍徙軍中文武兵民家屬於薊四月恪與閔戰於魏昌廉臺擒閔送之於薊斬於龍城遂攻薊六月薊北郡縣悉降八月魏校尉馬願等開薊城納燕兵十一月戊辰儁即皇帝位大赦建元元璽國號大燕時晉永和八年也建留臺

於龍城二年二月立妻可足渾氏為后世子為皇  
太子皆自龍城遷於薊宮三年九月僞如龍城四  
年四月僞自和龍還薊城五年七月太子卒僞諡  
猷懷光壽元年二月復立次子中山王曄為太子  
大赦十一月自薊徙都於鄴十二月使昌黎遼東  
二郡營起廩廟建熙元年正月甲午僞薨時晉升  
平四年也葬於龍陵僞諡景昭皇帝廟號烈祖  
龍臺留臺尚書三人

乙逸

十六國春秋前燕錄元璽元年十一月建留臺於  
龍城以元菟太守乙逸為尚書專委留務

慕容垂

十六國春秋前燕錄元璽三年四月命冀州刺史  
吳王霸徙治信都更名曰垂尋遷侍中留錄臺事  
鎮龍城大得東北之和僞忌之復召垂還

慕容亮

十六國春秋後燕錄慕容令密謀起兵鎮東將軍  
渤海王亮鎮龍城令將襲之亮閉城拒守前燕錄  
建熙十一年十一月宜都王桓率鮮卑五千奔龍  
城殺鎮軍將軍渤海王亮併其衆奔遼東

按慕容儁建龍城為留臺以乙逸為尚書又以  
慕容垂代逸尋召垂還而不言代垂之人以慕  
容令之叛及慕容桓之事攷之知代垂者亮也  
終前燕鎮龍城者此三人

柳城守將二人

石琮 慕輿塗

十六國春秋前燕錄段遼遣弟蘭與慕容翰寇柳城柳城都尉石琮與城大慕輿塗并力拒守蘭等不克而退復益兵來攻圍二旬琮塗拒守彌固殺傷千餘人卒不能拔

凡城守將一人

悅綰

十六國春秋前燕錄悅綰檣廬城大人也初仕皝  
為司馬石虎入寇遣征北張舉襲凡城皝以綰為  
禦難將軍授兵一千以守之

好城守將一人

蘭勃

十六國春秋前燕錄咸康三年正月築好城于乙  
連東使折衝將軍蘭勃戍之以逼乙連四月乙連  
飢甚段遼以車數千輜輸乙連粟勃邀擊獲之

昌黎太守一人

高開

十六國春秋前燕錄慕容儁三年趙故太尉劉準  
土豪封放別聚衆自守僞使昌黎太守高開討準  
放開至渤海準放迎降

附錄

十六國春秋前燕錄建熙五年七月遣太尉封奕  
侍中慕容與龍詣龍城徙宗廟及所留百官於鄴都



十月封英等迎神主於和龍十一年秦兵至鄴十  
一月暉與上庸王評樂安王臧定襄王淵左衛將  
軍孟高殿中將軍艾朗等數十騎出奔昌黎堅使  
郭慶追之執暉送於堅慶進至龍城評奔高句麗  
前秦

按慕容暉為苻堅所破地入於秦前後燕之間  
十有餘年秦之職官及境內事不可闕也列序  
如左

龍城鎮將一人

苻洛

十六國春秋前燕錄堅從弟行唐公洛鎮和龍

平州刺史二人

石越

十六國春秋前秦錄建元十六年八月分幽州置

平州以石越為平州刺史領護鮮卑中郎將鎮龍

城

苻冲

十六國春秋前秦錄建元二十一年幽州刺史王  
永平州刺史苻冲帥幽并人衆擊慕容垂

按秦初滅燕其幽州刺史鎮和龍及苻洛以和  
龍叛平洛之後乃分幽州置平州于是幽州刺  
史鎮薊州而平州刺史鎮和龍此惟地入于秦  
十數年間如是前後皆不然也又前秦錄太安  
元年十一月苻丕以王兗為平東將軍平州刺

史十二月以宗敞為平州刺史是時和龍已入  
于慕容垂克與敞但有刺史之名而未能至其  
地故但附識于此

昌黎太守二人

王縕

十六國春秋前秦錄苻洛舉兵以昌黎太守王縕  
為右司馬

宗敞

十六國春秋前秦錄建元二十一年王永苻冲頻  
為慕容垂將帶方太守平視等所敗乃遣昌黎太  
守宋敞焚和龍薊城宮室率衆三萬進屯壺關  
按魏書張袞傳袞父卓昌黎太守考昌黎郡至  
魏世祖太延時始入於魏張袞之歷官在魏太  
祖時袞父張卓為昌黎太守計其世次當在秦  
苻堅時並識於此

附錄

十六國春秋前秦錄建元十二年十月堅遣安北將軍幽州刺史行唐公洛為北討大都督帥幽冀兵十萬擊魏又遣後將軍并州刺史俱難鎮軍將軍鄧羗尚書趙遷御史中丞李柔前將軍朱彤前禁將軍張蚝右禁將軍郭慶帥步騎二十萬東出和龍西出上郡皆與洛會十六年三月行唐公洛自稱大都督秦王以平規為輔國將軍幽州刺史四月洛率衆七萬發和龍將圖長安堅使叱騎校

尉石越率騎一萬自東萊出石徑浮海四百餘里  
襲和龍五月斬平規及其黨羽百餘人幽州悉平

欽定熱河志卷一百三